

Ս. ԵՐՐՈՐԴ. ՀԱՅՑ. ԵԿԵՂԵՑԻ
ԹՈՐՈՆԹՕ - ԳԱՆԱՏԱ

ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎ
ՓԵՏՈՒ 25.1979

ԱՏԵՆԱԳՐՈՒԹԻՒՆ

Ս. Երրորդ. Հայց. Եկեղեցւոյ Տարեկան Անդամական Ընդհանուր Ժողովը տեղի ունեցաւ Կիրակի Փետրուար 25 1979-ին ժամը 3:30-ին Եկեղեցւոյ ներքնասրահին մէջ:

Անդամներուն թիւն էր 116:

Ծրագիր կանոնադրի 17-րդ յօդուածի համաձայն ժողովը օրինաւոր համարուելէ վերջ՝ ծխական Խորհուրդի Ատենապետ Պրն. Պարզել Խոճամեան հրաւիրեց Առաջնորդական Փոխանորդ ու ծուխիս հոգեւոր հովիւ Հոգշ. Տ. Վազգէն Տ. Վրդ. Քէշիշեանը որ աղօթքով բացուելը կատարէ ընդհանուր ժողովին:

Հայր Սուրբին աղօթքէն ետք Պրն. Պարզել Խոճամեան հրաւիրեց ընտրողական Յանձնախումբի Ատենապետ Պրն. Հայկ Սէլեանը որպէսզի օրուան դիւանին թեկնածուները ներկայացնէ:

Պրն. Հայկ Սէլեան յանձնախումբին կողմէ յայտնեց թէ ժողովին ատենապետութեան համար կը յանձնարարէ Պրն. Վարդան Վարդանեանը իսկ ատենադպրութեան համար թեկնածուներն են. - Պրնք. Թորգոմ Զապունեան եւ Սուշեղ Շահնազար: Նկատի ունենալով որ Պրն. Սուշեղ Շահնազար ներկայ չէր, առաջարկուեցաւ որ երկրորդ ատենադպիրը ըլլար Պրն. Ժիրայր Երէցեան: Դիւանի բոլոր թեկնածուները ընդունելէ ետք իրենց պարտականութիւնները եւ ուրիշ թեկնածուներ չըլլալով, առաջարկուեցաւ եւ ապա ընդունուեցան. -

Պրն. Վարդան Վարդանեան:	Ատենապետ
Պրն. Թորգոմ Զապունեան	Ատենադպիր
Պրն. Ժիրայր Երէցեան	Ատենադպիր

Յանուն օրուան դիւանին Պրն. Վարդան Վարդանեան շնորհակալութիւն յայտնեց ներկայ անդամներուն իրեն հանդէպ ցոյց տրուած վստահութեան համար:

Ծխական Խորհուրդի կողմէ պատրաստուած օրակարգը վաւերացուելէ ետք Ատենապետ Պրն. Վարդան Վարդանեան հրաւիրեց Պրն. Մատթ Բ. Մամուրեանը որ կարգայ անցեալ տարուան անդամական Ընդհանուր Ժողովի ատենազրուութիւնը:

Սոյն ատենազրուութեան ընթերցումէն ետք անդամները դիտել տուին թէ բազմաթիւ զանցառումներ եղած էին ատենազրուութեան մէջ իսկ ուրիշ կէտեր պէտք ունէին սրբազրուութիւններու: Տեղւոյն վրայ եղան նետեւեալ սրբազրուութիւնները եւ փոփոխութիւնները:

1.- Յօդուած 3.- Փոխանակ Տիար Վարդան Վարդանեանի՝ Թագևոր Յորեան:

2.- Յօդուած 6.- առաջին համարի մէջ փոխանակ Տիար Գեղամ Մարգարեան՝ Տիար Արմենակ Մարգարեան:

3.- Յօդուած 12.- ՆՈՐ ՀԱՐՑԵՐ. առաջին համարին մէջ- փոխանակ Պրն. Գեղամ Մարգարեան առաջարկեց՝ Պրն. Գեղամ Մարգարեան թելադրեց, եւ յետ կարծիքներու փոխանակութեան թելադրանքը առաջարկի փոխուեցաւ ապա ձեռամբարց քուէարկութեամբ ընդունուեցաւ:

Ատենագրութեան արձանագրութենէն մոռցուած էր հետեւեալը.-

Հայկ Սէլեան խօսք առնելով ըսաւ թէ ատենագրութեան մէջ հեռաձայնի գրքոյկին մասին շատ երկար գրուած է բայց իմ խօսքերս որ կարեւոր նիւթի մը մասին է չէ յիշուած, եւ դիւանէս խնդրեց որ 1977 ատենագրութեան մէջ աւելցուի հետեւեալները.-

Արիս սրբազանը գաղութին մէջ սկսած է երկրորդ եկեղեցւոյ մը աշխատանքներուն: Ես անձամբ սկզբունքով հակառակ չեմ երկրորդ եկեղեցիի մը կազմութեան բայց աշխատանքի կերպը սխալ է մասնաւորապէս քանի մը շաբաթէ ծիսական Ընդհանուր ժողով պիտի ըլլար, ինչո՞ւ համար ընդհանուր ժողովին չէ սպասուած:

5.- Յօդուած 5.- առաջին համարին մէջ Պրն. Վարդան Վարդանեանի հարցումը կը սրբագրուի եւ կ'աւելցուի հետեւեալ ձեւով.-

Վարդան Վարդանեան Արիս սրբազանին ուղղեց իր հարցումը ըսելով թէ՝ ինչ իրաւունքով ինք Օթավա գացած էր, կրօնական ծիսակատարութիւններ կատարելու:

Արիս Սրբազան ըսաւ թէ այս ծրագիր կանոնագրի տրամադրութեան մէջ ինծի իրաւասութիւն տրուած է այդ շրջանի մէջ ծիսակատարութիւն կատարել: -նոր Թեմի կանոնագրին է ակնարկութիւնը - անվավեր-:

Օրուայ Ատենապետ Պրն. Կարօ Գավուքեան դարձեալ խօսք տուաւ Պրն. Վարդան Վարդանեանին որը շարունակելով ըսաւ թէ՝ Առաջնորդ Սրբազան Հայրը, զրաւոր կերպով ձեզի հրահանգած է որպէսզի Թորոնթօ եւ Համիլթընէն դուրս, ծիսակատարութիւն չկատարէք եւ թէ Օթավան կիյնայ, - ըստ Առաջնորդ Սրբազան հօր նամակին- Մոնթրէալի ծուխին մտահոգութեան եւ իրաւասութեան սահմանին մէջ: Մենք պէտք է որ գիտնանք մեզի տրուած հրահանգներուն ենթարկուիլ անհամոյ վիճակներ չստեղծելու համար:

Այս փոփոխութիւններէն ետք ատենագրութիւնը վաւերացուեցաւ յետ ձեռամբարց քուէարկութեան:

Տեղեկագիրներ.-

1- ծխական խորհուրդ:- ծխական խորհուրդի ատենադպիր Պրն. Հրաչ Շիշմանեան անգլերէնէ թարգմանելով հայերէն լեզուով ներկայացուց ծխական խորհուրդի տարեկան զործունէութեան տեղեկագրութիւնը: Ապա եղան հետեւեալ հարցումները ու լուսաբանութիւնները.-

Պրն. Մինաս Սէլեան. յիշեցուց թէ տարուան ընթացքին ծխական խորհուրդէն հրաժարած երեք վարչականներուն: հրաժարականներուն գրաւոր հրաժարականներ ըլլալուն մասին բան մը չէր յիշուած. ապա անելցոյցեցաւ ԳՐԱԻՈՐ բառը:

Պրն. Գրիգոր Էլմասեան թելադրեց որ յառաջիկայ տարի անցեալին պէս նորէն կատարուի եկեղեցւոյ կտակարարներու հոգեհանգստեան պաշտօնը:

Պրն. Հրանդ Սուին հարց տուաւ թէ Գերշ. Արիս Եպիսկ. Շիրվանեան հակառակ մեր եկեղեցիէն հրաժարելով, ի՞նչպէս կրնայ մեր գաղութէն ներս եկեղեցական արարողութիւններ կատարել: Հոգշ. Հայր Սուրբը պատասխանելով ըսաւ թէ Գերշ. Արիս Եպիսկոպոսը պաշտօնական հանգամանք չունի մեր գաղութէն ներս եւ ոչ ալ մասնաւոր արտօնութիւն ունի Առաջնորդ Հօրմէն կամ Վեհափառ Հայրապետէն մինչեւ այս օրս: Գերշ. Արիս Եպիսկ. եկեղեցական արարողութիւն կրնայ կատարել միայն Առաջնորդ Թորգոմ Արքեպիսկոպոսի գրաւոր մասնաւոր արտօնութեամբ:

Ապա Պրն. Թիրայր Երէցեան ներկայացուց հետեւեալ բանաձեւը.-
Անդամական Ընդհանուր ժողովս լսելէ ետք ծխական խորհուրդի միամեայ զործունէութեան տեղեկագրութիւնը, զնահատանքով կ'ընդունի զայն եւ կը վաւերացնէ զայն:

Այս բանաձեւով ծխական խորհուրդի տեղեկագրութիւնը ձեռնբարց քուէարկութեամբ վաւերացուեցաւ:

2- Թեմական Պատգամաւորներու Տեղեկագիր:- Ատենապետ Պրն. Վ. Վարդանեան կարդաց Թեմական Պատգամաւորներու տեղեկագիրը որմէ ետք Պրն. Թիրայր Հանրմեան հարց տուաւ թէ տեղեկագրութեան թիւ 4 յօդուածին մասին պատգամաւորները ի՞նչ բացատրութիւն ունին: Պրն. Հայկ Սէլեան այս հարցին պատասխանելով ըսաւ թէ, Թեմական ժողովին որոշումէն կախեալ է Գանատայի մէջ զատ Թեմի մը կազմութիւնը:

Թեմական Պատգամաւորներու տեղեկագիրը վաւերացուեցաւ ձեռնբարց քուէարկութեամբ:

3- Հաշուէքննիչ Յանձնախումբի Տեղեկագիր:- Պրն. Լեւոն Եազըմեան ներկայացուց այս տեղեկագիրը ուր կը հաստատուէր թէ եկեղեցւոյս հաշիւները օրինական վիճակի մէջ էին: Պրն. Յովհաննէս Գուլումեան թելադրեց որ եկեղեցւոյ ելեւմուտքի հաշիւները հրապարակուէին տարին երեք անգամ բայց ծխականի Ատենապետ Պրն. Պարգեւ Խոնամեան այդ թելադրանքը զործնական չգտաւ: Այս տեղեկագիրը վաւերացուեցաւ ձեռնբարց քուէարկութեամբ:

4- ծխական խորհուրդի Գանձապահին Տեղեկագիրը: - Պրն. Հէրի Արթինեան ներկայացուց այս տեղեկագիրը որմէ ետք Պրն. Յ. Գուլումեան թելադրեց որ Տարեց Քաղաքացիներու մօտ 3000 Տոլարի հաշիւը փակուի յառաջիկայ տեղեկագրութեան մէջ երեւակով որպէս ծխական խորհուրդի ծախս: Այս տեղեկագրութիւնն ալ վաւերացուեցաւ ձեռնքարց քուէարկութեամբ:

5- Տիկնանց Միութեան Տեղեկագիրը: - Այս տեղեկագիրը վաւերացուեցաւ այնպէս ինչպէս որ ներկայացուած էր:

6- Ս. Սահակ Ս. Մեսրոպ Ազգ. Վարժարանի Տեղեկագրութիւնը: - Այս տեղեկագիրը վաւերացուեցաւ հետեւեալ փոփոխութենէ ետք: - Մայիս 5 1978-ի քայլարշաւը կազմակերպուած էր Վարդանանց Ասպետներու կողմէ:

7- Կիրակօրեայ Վարժարանի տեղեկագիրը: - Այս տեղեկագիրն ալ վաւերացուեցաւ այնպէս ինչպէս որ ներկայացուած էր ժողովին:

8- ՀԵՆԿԱ-ի Տեղեկագիրը: - Այս տեղեկագրի առնչութեամբ եղան հետեւեալ թելադրութիւնները. -
Պրն. Գրիգոր Զմրուխտեան թելադրեց որ եկեղեցւոյ անդամները իրենց զաւակներէ բերեն ՀԵՆԿԱ-ի շարքերէն ներս:
Տիկին Լենա Պէյլէրեան թելադրեց որ ՀԵՆԿԱ-ն իր աջակցութիւնը բերէ երէց Դպրաց Դասին:
Պրն. Մինաս Սէլեան թելադրեց որ մենք երէցներս թիկունք կանգնինք ՀԵՆԿԱ-ին:
Այս տեղեկագիրն ալ վաւերացուեցաւ:

9- Տարեց Քաղաքացիներու Տեղեկագիր:

10- Դպրաց Դասի Տեղեկագիր

11- Ս. Խաչ Օժանդակ Մարմնի Տեղեկագիր

12- նոր Սերունդի Տեղեկագիր:

Վերոյիշեալ տեղեկագիրները ձեռնքարձ քուէարկութեամբ վաւերացուեցան այնպէս ինչպէս որ ներկայացուած էր:

Ելեւմտական Հաշիւներ: - Հետեւեալ յարակից մարմիններու ելեւմտական տեղեկագիրները վաւերացուեցան այնպէս ինչպէս որ ներկայացուած էին: -

1- Տիկնանց Միութիւն

2- Ս. Սահակ Ս. Մեսրոպ Ազգ. Վարժարան

3- Դպրաց Դաս

4- Կիրակօրեայ Վարժարան

5- Գրադարան

6- Երէց ՀԵՆԿԱ

7- Կրտսեր ՀԵՆԿԱ

8- Տարեց Քաղաքացիներ

Ընտրողական Յանձնախումբի Տեղեկագիրը: - Պրն. Հայկ Սէլեան ներկայացուց այս տեղեկագիրը: Ընտրողական յանձնախումբին անունով: Այս տարուան թեկնածուներն են. -

Ծխական Խորհուրդ

1- Պրն. Յակոբ Երէցեան	102	Քուէ
2- Պրն. Հէրի Արթինեան	102	,,
3- Պրն. Վահէ Միննէթեան:	105	,,
4- Պրն. Ստեփան Աէմէրճեան:	108	,,
5- Պրն. Սարգիս Չիլինկիրեան:	112	,,

Ընտրողական Յանձնախումբ

1- Պրն. Ալեքսան Պալթայեան:	105	Քուէ
2- Պրն. Եղուարդ Տէօվլէթեան:	108	,,
3- Պրն. Հայկ Սէլեան	110	,,
4- Պրն. Մինաս Սէլեան:	110	,,
5- Պրն. Թորգոմ Զապունեան:	110	,,

Հաշուէքննիչ Յանձնախումբ

1- Պրն. Գրիգոր Էլմասեան	110	քուէ
2- Պրն. Յովհաննէս Գուլումճեան	112	,,
3- Պրն. Լեւոն Եազրճեան:	115	,,

Նոր Հարցեր

1- Պրն. Ժիրայր Երեցեան որպէս Եկեղեցւոյ տրատու մէկ անդամը ներկայացուց հետեւեալ առաջարկը.-

Թորոնթոյի Ա. Երրորդ Հայց. Եկեղեցւոյ Փետրուար 25, 1979-ի տարեկան ընդհ. ժողովը, իր որդիական ջերմ զգացումներով կ'ուզէ տեղեակ պահել Ամենայն Հայոց Հայրապետ Տ. Տ. Վազգէն Ա. Կաթողիկոսը թէ Գերաշնորհ Արիս Եպիսկ. Շիրվանեան բաժանարար աշխատանք կը տանի մեր ծուխէն ներս եւ այս առաջարկով ընդհանուր ժողովս կը փափաքի տեղեակ պահել մեր սիրելի Հայրապետը որ հարկ եղածը տնօրինէ:

Վերոյիշեալ առաջարկը երկրորդուելէ ետք, ատենապետ Պրն. Վ. Վարդանեան խօսք տուաւ անդամներուն որպէսզի իրենց կարծիքները յայտնեն:

Պրն. Եղուարդ Տէօվլէթեան հարցուց թէ Գերշ. Արիս Եպիսկ. Շիրվանեան կր՞նայ նոր Եկեղեցի մը կամ ծուխ մը կազմել:

Հոգշ. Վազգէն Ծ. Վրդ. Քէշիշեան պատասխանելով ըսաւ թէ Վեհափառ Հայրապետը մինչեւ այսօր իսկ որեւէ պատասխան չէ տուած որեւէ մէկուն եւ ան կը հաղորդակցի ուղղակի Առաջնորդին եւ Թեմական Խորհուրդին հետ:

Պրն. Ս. Օրջանեան յարմար գտաւ այս առաջարկին ուղղակի կաթողիկոսին դրկուելը:

Պրն. Ժիրայր Հանրմեան հակառկեցաւ այս առաջարկին եւ ժողովին յիշեցուց թէ Ս. Խաչ Եկեղեցին արդէն երրորդ պատարագն է որ կը կատարէ եւ մենք այստեղ առաջարկներ պէտք չէ որ որդեգրենք որոնցմէ յառաջիկային պիտի ամչնայինք:

Պրն. Մարտիկ Փափագեան թելադրեց որ այս առաջարկը ուղղարկուի միայն ու միայն Առաջնորդ Թորգոմ Սրբազանին եւ եթէ այս ձեւով որդեգրուի ինքը առաջինը պիտի ըլլայ ստորագրողը:

Հոգշ. Վազգէն Ծ. Վարդապետ խօսք անելով ըսաւ թէ Հայաստանեայց Եկեղեցւոյ մէջ օրէնքներ կան եւ մենք բոլորս պարտաւոր ենք հնազանդելու եւ շարժելու այդ օրէնքներու համաձայն: Դուք ձեր կամքը յայտնեցէք այսօր եւ ապա մեզի ձգեցէք որ ձեր որոշումները օրինական ձեւով փոխանձուին պէտք եղած տեղը:

Պրն. Թագևոր Յոփեան առաջարկը շատ մեղմ գտաւ իսկ Պրն. Հայկ Սէլեան ժողովին յիշեցուց թէ Թորոնթոյի մէջ նոր ծուխը օրինական վիճակ չունի:

Պրն. Սեդրակ Ատուրեան բարձր գնահատեց Հայր Սուրբին բոնած. օրինապահ կեց-
ոսածքը իսկ ծխական Խորհուրդի ատենապետ Պրն. Պարգեւ Խոնամեան կարեւոր նկատեց այս առաջարկին որդեգրումը ընդհանուր ժողովին կողմէ:

Ապա այս առաջարկը քուէի դրուեցաւ:

2 եռնբարձ քուէարկութեան մասնակցեցան 95 անդամներ հետեւեալ արդիւնքով-

83 քուէ Համաձայն առաջարկին:

4 քուէ առաջարկին դէմ

8 քուէ ձեռնպահ:

Պրնք. Մարտիկ Փափագեան եւ ժիրայր Հանրմեան որոնք առաջարկին դէմ քուէ-արկեցին, ուզեցին որ իրենց անունները ըստ այնմ յիշուին:

Դիւանը ընդառաջելով Պրն. Եղուարդ Տէօվլէթեանի փափաքին իրեն խօսք տուաւ:

Ան իր խօսքը ժողովին ուղղելով յուզումով արտայայտուեցաւ զաղութին ներքին բաժանումներուն մասին եւ թախանձագին խնդրեց որ մենք բոլորս իրար ներենք եւ կրկին միանանք:

2- Պրն. Թագլոր Յոփեան: ներկայացուց հետեւեալ առաջարկը:

Ընդհանուր ժողովս լիազօրութիւն տայ ծխական Խորհուրդին որ ՀԲԸՄ-ի վարչութեան հետ համագործակցաբար, նոյն հողի կամ քով քովի երկու հողերու վրայ միասնաբար եւ անյապաղ մշակելու համար իր շինութեան ծրագիրը:

Եղան բազմաթիւ կարծիքներ: Յստակ եղաւ թէ առաջարկը շինութեան ծրագիր մը մշակելու համար է միայն եւ թէ եկեղեցին պէտք է շինուի սեփական հողի վրայ ըստ ծրագիր կանոնագրի: նոյնպէս Պրն. Պետրոս Զիլինկիրեան որ ՀԲԸՄ-ի Թորոնթոյի ատենապետն է, թելադրեց որ բանակցութիւնները ըլլան ատենապետական մակարդակի վրայ:

Առաջարկը ձեռնբարձ քուէներով վաւերացուեցաւ: Միայն մէկ անդամ հակառակ էր:

3- Պրն. Մանուկ Ամբակումեան: բերաւ հետեւեալ առաջարկը:—

ՄԱԿ-ի Մարդկային իրաւանց Յանձնախումբի թիւ 30-րդ յօդուածը որ կը գրադէր 1915-ի Հայկական ցեղասպանութեամբ եւ որ ջնջուած էր, հետագրով մը ժողովին անունով դրկուէր յանձնախումբի ԱՄՆ-ի ներկայացուցիչ Դեսպան ՍԵԹ Մոմճեանին որ այդ յօդուածը վերահաստատուէր:

Այս առաջարկը որդեգրուեցաւ միաձայնութեամբ:

4- Ծխական Խորհուրդի առաջարկը:— Պրն. Պարգեւ Խոճամեան: ներկայացուց հետեւեալ առաջարկը:

Եկեղեցւոյս տրատու անդամներու տարեկան տուրքը ըլլայ 30 Տոլար իւրաքանչիւր անդամի եւ այր ու տիկին անդամ արձանագրուելու պարագային միացեալ տուրքը ըլլայ 50 Տոլար: Վերոյիշեալ սակը ի զօրու ըլլայ 1979-ի տարեշրջանէն սկսեալ: Եկեղեցւոյս նոր Սերունդ քամաթերթը առաքուի բոլոր անդամ ընտանիքներու առանց յաւելեալ վճառումի ըստ նախկին որոշումներու:

Այս առաջարկը վաւերացուեցաւ միաձայնութեամբ: Ժխականը պիտի որոշէ տարեց-
ներու եւ 18-25 տարեկան անձերու սակը:

5- Պրն. Հայկ Սէլեան. դիւանին: ներկայացուց հետեւեալ հարցումը:- Մեր այն
անդամները որոնք ներկայիս քաղաքիս մէջ գտնուող ուրիշ եկեղեցւոյ մէջ կը
գործեն, ինչ է անոնց իրաւավիճակը մեր եկեղեցիէն ներս:

Այս հարցումին: պատասխանեց հայր սուրբը: Մեզի կը մնայ իրենց սխալները իրենց
յայտնի ընել ըսաւ ան: Ընդհանուր ժողովը իրաւունք ունի նախ ամբաստանելու
եւ ապա վճիռ առնելու: Պէտք է նոյնպէս ներել գիտնանք:

Վերջաւորութեան հայր սուրբը ժողովին տեղեկացուց Տարեց քաղաքացիներու ատե-
նապետուհի Տիկին Համամեանի քաղաքիս մէջ հայկական ծերանոց մը ունենալու
գաղափարը: Յարմար դատեց որ հիմակուհիմա այս հարցով ծխական Խորհուրդը զբաղի:

Անդամական Ընդհանուր ժողովը փակուեցաւ երեկոյեան ժամը 10:10-ին Հայր
Սուրբին: շինիչ եւ բարեմաղթանքի պատգամով եւ աղօթքով:

Ատենապետ

Նախագահ

Ատենադպիրներ

Վարդան Վարդանեան

Վարդան Վարդանեան

Վազգէն Ծ. Վրդ. Քէշիշեան
Հոգեւոր Հովիւ
Եւ

Առաջնորդի Փոխանորդ
Գանատայի

Թորգոմ Զապուէնեան

Թորգոմ Զապուէնեան

Եւ

Ժիրայր Նրէցեան

Մարտիրոս Երեմեան